



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



4914

297  
R-61

1909

2010

2001



元人

297  
h-61

Ի Ն Չ Ե Ղ ՈՒ Խ Ա Ն Հ Գ Ի Ց Ե Ս



Վ Ա Ռ Ե Ա  
1909

1. 2. 3. 4. 5. 6. 7. 8. 9. 10.

11.

12.

## Դ-61 ԻՆՉ Է ՂՈՒՐԱՆԸ ԳԻՏԵ՞Ս

31164-Ա.Հ

Շատ խնդրեմ, ո՞վ հայեր, բաւական հասկացէ՞ք, թէ Ղուրանը ինչպիսի տկար, անծշմարիտ գիրք է:

Աշխարհքիս երեք մեծ մասերի մէջ՝ Ասիայում, Ափրիկէյում և Եւրոպայում 200 միլիոնից աւելի մահմեղականներ կան: Դրանք շատ զանազան ազգեր են եւ տարբեր լեզուներ ունեն. բայց ամենքն էլ հաւատում են եւ արարերէն Ղուրանը պահում եւ կարդում են, թէեւ նրա միտքը ընդհանրապէս չեն հասկանում: Այդ Ղուրանը գրեթէ հարիւրի չափ վկայութիւններով ընդունում է Հին եւ Նոր Կտակարանը իրեւ Աստուծոյ կողմից Մովսէսի, Դաւիթի, միւս մարգարէների եւ Մեսիա Յիսուսի միջոցով յայտնւած Առւրբ Գիրք, եւ Քրիստոնեայ ազգերն մանաւանդ այժմեան բարձր լուսաւորեալ Անգլիացիք եւ Ամերիկացիք այդ Հին եւ Նոր Կտակարանները աշքարհքիս շատ ազգերին համար չորս հարիւրից աւելի լեզուներով թարգմանում եւ շատ տարածում են, հարկաւ մենք հայերս էլ այդ Առւրբ գիրքը կարդալով համոզւած ենք, թէ դա Աստուծոյ խօսքն է, բայց այդ խիստ բազմաթիւ մահմէղականները ոչ թէ միայն մեր Հին եւ Նոր Կտակարանը չեն կարդում եւ չեն հասկանում, այլ նոյնիսկ իրանց Ղուրանը չեն թարգմանում եւ նրա միտքը եւ գաղափարները ի՞նչ է, բնաւ չեն հասկանում:

Մենք հարցնում ենք, թէ ինչու համար աշխարհիս այժմեան անթիւ գիտնական եւ արարերէն լաւ հասկացող մահմէղական սրաբները պարսիկները եւ թուրքերն արդէն իրանց կրօնքը սկսելուց մինչեւ այսօր այս հաղար երեք հարիւր տարիների ընթացքում իրանց



Ղու բարը անթիւ գաղափարներով եւ հնարած անուղիղ  
մեկնութիւններով կրկին եւ կրկին անզամ բացատրում  
են, բայց երբէք մէկ անզամ բառ առ բառ չեն թարգ-  
մանում։ Պարզ յայտնի է, որ վախում են։ Բնաւ տա-  
րակոյս չունեն եւ հաստատ գիտեն, եթէ Ղուրանը բառ  
առ բառ թարգմանւի թուրքերէն կամ պարսկերէն կամ  
մի ուրիշ մահմէղական ազգի լեզով, նրանցից շա-  
տերը դէն կը գցեն Ղուրանը եւ Մուհամմէդին էլ չեն  
հաւատայ։

Մուհամմէդն ի՞նչպէս էր ասում Ղուրանը։ Մեր հայ  
աղջը ընդհանրապէս չըգիտէ, թէ մահմէղականների  
կրօնքը ինչ է եւ նրանց Ղուրանը ինչպէս է գոյացել։  
Մենք որ այդ մուսուլման ազգերի հետ միասին խառն  
ենք բնակւում, անհրաժեշտ պէտք է նրանց բոլոր կը-  
րոնքը ճանաչենք, եւ իրանց հասկացնենք իսլամի շատ  
սխալները եւ մեր քրիստոնէական հաւատքի աստուա-  
ծային ճշմարտութիւնը։ Նտիս եւ առաջ պէտք է բուն  
մահմէղական գիտնականների գրքերից համառարար  
սա պատմենք իրանց, թէ Մուհամմէդը տակաւին 25 տա-  
րեկան եղած ժամանակը, ինքը որբ եւ կարողութիւն  
չունենալով, մի 40 տարեկան հարուստ վաճառականուհի  
անունը Խաթիճէ՝ նրան ամուսին շինեց։ Այդ ժամա-  
նակ Արաբստանում բաւական հրէաներ եւ քրիստոն-  
եաներ կային, որոնք իրանց կրօնքները եւ վիպասա-  
նական պատմութիւնները խօսելով արաբներից բաւա-  
կան մարդիկ իրանց կրօնքներին էին մօտեցրել։ բայց  
այն ժամանակ արաբները թէեւ Աստուծուն հաւատում  
էին, թէ նա այս աշխարհքը ստեղծելուց յետոյ բոլոր  
երկինքներից ամենաբարձր աթոռին վրայ առանձին  
նստած այս աշխարհքի կառավարութիւնն իր բազմա-  
թիւ աղջիկներին է յանձնել։ Եւ բացի գրանցից ա-  
րաբները կուպաշտական մտքեր ունենալով արեղակին,  
լուսնին, աստղերին, սարերին, ձիերին ծառերին եւ  
ծառերի պտուղներին իրեւ կուռքեր էին հաւատում։  
Մուհամմէդն էլ այն ժամանակ գրանցից էր։ Մահմէ-

գական կրօնքի պատմաբաններն ասում են, թէ այն  
տարիները Արարստանում այլեւայլ կրօնքներ տարածող  
մարդարէներ կային. դրանցից մէկի անունը Թէլիմէ  
իրն Խուէյլէդ միւսի անունը Էսվէդ իրն Քէ'ր, եւ մի  
իդական մարդարէի անունն էլ Աէճճաճ (կամ Աէճճահ)՝  
Բէնթը Հարըս էր, եւ ուրիշ մարդարէներ էլ կային,  
որոնք իրանց կրօնական այլեւայլ դաւանանքը տարա-  
ծում էին. Այդ արար մարդարէներից զատ մի ուրիշն  
էլ կար Ռէհման կոչումով եւ բուն անունը Միւսէյլէմէ  
էր, եւ ինքը Արարիսյի Եէմամէ գաւառիցն էր, որ  
շատ ճարտար լեզւագէտ եւ խելացի խրատող լինելով  
հարիւր հազարից աւելի արարներ իրան կրօնական եւ  
քաղաքական հպատակներ էր շինել. Հիմայ էլ մահմէ-  
դական գրքերում այդ մարդարէի խօսքերիցը գրւած  
բաններ զտնւում են: Բոլոր մահմէդականներից յարգած  
պատմաբան իրն Հաշիմի գրած «Մուհամմէդի կենսա-  
գրութիւնը» սա էլ է պատմում, թէ իրանց մարդարէ  
Մուհամմէդը Մէքքէից գնացել էր Եէմամէ գաւառը եւ  
այնտեղ այն երեւելի Միւսէյլէմէ մարդարէի խրատները,  
քարոզները, կեանքը եւ նրա բազմաթիւ հլու հպա-  
տակները տեսնելով ինքն էլ նրա աշակերտ էր դառել  
եւ խորին համոզումով էլ այդ փափագն էր ստացել,  
որ ինքն էլ մարդարէ դառնայ: Սա իրողութիւն է, թէ  
Մուհամմէդն այն ժամանակ մի ծանրաբարոյ, խելացի  
խօսող մարդ էր, ոտանաւորները սիրում եւ ասում էլ  
էր, սակայն բանաստեղծութեան միայն ոճը գիտէր եւ  
ոչ թէ օրինաւոր կանոնները. իր ոտանաւորների վեր-  
ջի իրար համաձայն բառերը բաւական գիտէր, ինչպէս  
եւ ուրիշ արար քէահիններ, բայց տողերի չափը չէր  
ըմբռնում: Այդ մարդարէ լինել ցանկացող Մուհամմէդը  
արդէն ժամանակներից սկսած նոյնիսկ արար ազգի  
կուապաշտական կրօնքովը շատ կուռքերի անուններով  
էլ երդումներ է արել, որ այսօր Ղուրանումը գրւած են,  
եւ ինքն էլ երկու անգամ ասում է արաբներին, «դուք  
այս հրաշալի ոճով մի բան գրել չըդիտէք»: Սակայն

նոյնիսկ այն ժամանակը շատ երեւելի բանաստեղծներ կային Արարիայում, որոնք շատ օրինաւոր բաներ գրած են եւ այսօր էլ ներկայ է:

Սրանից զատ այդ Մուհամմէդի այն ժամանակւայ կեանքումը մի ուրիշ զօրեղ դէպք է պատահել, որ նըրան մի որոշ ուղղութիւն տւեց մինչեւ իրան կեանքի վերջը: Երբ նա իր վարպետ Միւսէյլէմէ մարգարէի նըրման խօսքեր էր շինուած, նրա խելացի Խաղիձէ կինը մի պատւաւոր եւ բանիմաց հօրեղբօր որդի՝ անունը Վարագէ ունենուալով, որ Ղուրէյշ արաբների նիւթապաշտ կրօնքը ձգած լինելով քրիստոնեայ եղած էր եւ Նոր կտակարանն էլ ինչպէս մահմէղական պատմաբանները յիշում են, լաւ հասկացել եւ քարոզում էլ էր, գնաց դրա մօտ եւ խնդրեց իր Մուհամմէդ ամուսինին պէտք եղած քրիստոնէական մաքուր ազդեցութիւնն անէ: Նայեցէ՛ք տեսէ՛ք, թէ Խաղիճէյի այդ աղաչանքի պատճառը ինչ էր: Թէեւ բոլոր մահմէղականներն այս պատմական իրոզութիւնը չեն հաւատում, թո՛ղ չըհաւատան: իրոզութիւնն արդէն իրոզութիւն է: Ահա՛ այսպէս էր: Բուն ճշմարիտ հաւատացող միւսլիմ պատմաբանները, զոր օրինակ «Ռոզվէթ ուլ էնքար» քառահատոր գրքի հեղինակը պատմում է, ի հարկէ միմիայն Մուհամմէդի փառքին համար, թէ իրանց այդ մարգարէն ծնւեց, երբ նրա հայրը կամ արդէն մեռած էր կամ մի քիչ յետոյ մեռաւ, այն ժամանակ նրա մայրը Ամինէ իր փոքրիկ տղան յանձնեց մի դաշտաբնակ ընտանիքի, որ լաւ պահեն, մեծցնեն եւ յետոյ հա բերեն իրան տան: Այդ վեց տարեկան եղած Մուհամմէդ մտնուկը մի օր այն դաշտային ընտանիքի տղաների հետ միասին անասունների դաշտումը հսկած ժամանակը յանկարծ ուշաթափ եղած վար ընկաւ դողալով եւ խըռիչը նողին վրայ: Սա էպիլէպսի, այսինքն լուսնոտ հիւանդութիւնն էր: Այդ դաշտի բնակիչը ետ բերեց Մուհամմէդ երեխան Մէքքէ քաղաքը մօրը տալու համար: բայց մայրը խնդրեց տակաւին մի քանի ժա-

մանակ էլ պահեն, նրանք էլ պահեցին։ Յետոյ մօրը  
մօտ եկած ժամանակը մայրն էլ մեռնելով, նրա պապը՝  
այսինքն հօրը հայրը Արդուլ-Մութթալիբը ընդունեց  
նրան իր տանը, բայց այդ ծերուկն էլ մեռած ժամա-  
նակը ընդունեց նրան իրան մօտ նրա հօրեղբայր Արու-  
թալէբը, որ երեւելի Ալիի հայրն էր։ Այդ Մուհամմէդ  
երիտասարդը մէկ քանի անգամ էլ այդ տանը ուշա-  
թափելու պատճառով, նրա հօրեղբայր Արութալէբը  
նրան տարեց մի բժշկի պէս քէահինի մօտ եւ հարցրեց  
թէ ի՞նչ է այս հիւանդութիւնը։ Արաբներն այդ հի-  
ւանդութիւնը բնաւ չէին հասկանում եւ ընդհանրապէս  
կարծում էին, թէ դա մի հիւանդութիւն չէ այլ սա-  
տանան յանկարծ մտնում է իր ուզած մի անձի մէջը  
եւ դրան այդպէս մի կարծ ժամանակ տանջում ու բացէ  
թողում։ Թէեւ այն քէահինն ասաց, թէ դա սատանան  
չէ որ այդ խելացի եւ ծանրաբարոյ Մուհամմէդ երի-  
տասարդին մէջն է մտնում, այլ Աստուծոյ բարի հրեշ-  
տակն է. բայց Մուհամմէդը ընդհանրապէս արաբների  
գաղափարների համեմատ իր այդ ցաւալի վիճակը սա-  
տանայից համարելով ուզում էր Մէքքէի մօտ եղող  
բարձր սարիցն իրան վար գցէ, մեռնէ եւ սատանայիցն  
ազատւի։ Սակայն որովհետեւ իր Խաղիճէ կինը այդ  
ցաւի համար իրան բարի հօրեղբօրը որդուն հետ խօսել  
էր, նա լաւ բացատրեց եւ հաստատեց, թէ դա բնաւ  
մի սատանայական գործ չէ, ուրեմն Խաղիճէն էլ Մու-  
համմէդին համոզում էր. թէ այդ ուշաթափութիւնը սա-  
տանայից չէ, «այլ որովհետեւ դու բարի մարդ ես եւ  
թէ՛ հրէաներից թէ՛ քրիստոնեաներից ճշմարիտ Աս-  
տուծոյ հաւատքը ընդունել ես, ուրեմն Սուրբ Հոգին  
է քո սիրտը մտնողը եւ դու Աստուծոյ մարգարէն ես»։

Երբոր Մուհամմէդը համոզւեց, թէ Սուրբ Հոգին  
է իրեն ուշաթափեցնողը, հաւատաց. թէ ինքը Աս-  
տուծոյ մարգարէն է, եւ սկսեց Մէքքէում եղող օտար  
քրիստոնեաներից եւ մասամբ էլ հրէաներից թէ՛ շի-  
տակ եւ թէ՛ սխալ պատմութիւններ սովորել եւ սյն

լրած բաները քարոզի պէս ատրածում էր իր հնարած փոփոխութիւններովը մանաւանդ այն պատճառով որ գրել կարդալը չ'գիտէր։ Կոազաշտ արարները նրան ասում էին, թէ «զու մարդարէ չես, այլ օտարներից սովորած բաներդ ես խօսում»։ իսկ նա էլ չէր կարողանում այդ խօսքերը ուրանալ եւ տկար պատասխան էր տալիս, «այն ինձ հետ խօսողները բուն արար չեն, օտարներ են, բայց իմ ասածներս արարերէն է»։ տես 16, 105 եւ 25, 5։ Նաեւ պարզ ասում է, թէ «առաջ ոչ Առւրբ Գիրքը գիտէր եւ ոչ հաւատքը»։ 42, 52, եւ ինչ որ առաջ կիսակտոր ոտանաւոր կերպով շատ երդումներ էր արել եւ յանդիմանութիւններ ու վստահութիւններ էր հնարել. բոլորն էլ գրել էր տեղ կաշիների, արժաւենի տերեւների. կտոր կտոր տախտակների, տափարակ ոսկորների եւ այդպիսի ուրիշ նիւթերի վրայ, որովհետեւ այն ժամանակ Մէքքէյում եւ բոլոր Արարստանում ո՛չ գիտուններ, ո՛չ պատմարաններ, ո՛չ դպրոցներ եւ ո՛չ գրքերի հեղինակներ կային, որոնք իրենց ոտանաւորներն ընդհանրապէս զաց գիտէին, եւ միմիայն մի քանի հատ երեւելի բանաստեղծների ոտանաւորները կաշիների վրայ գրում եւ բարձր պատերի վրայ կախում էին։ իսկ Մուհամմէդն էլ իր մարդարէական համարած միտքերը այն կաշիների, ոսկորների եւ այդ տեսակ կտոր կտոր նիւթերի վրայ էր գրել տալիս եւ պահում, որովհետեւ այն ժամանակ Մէքքէյում թուղթ չըկար։

Նա իր բոլոր կեանքի մէջ չունէր այն քաջութիւնը, որ իրան իրը թէ Աստուածանից հրամայած խօսքերը հաւաքէր մի Ղուրան շինէր. նա գիտէր թէ իր ասած խօսքերին մէջ շատ հակտսութիւններ, անկարգ շփոթութիւններ եւ ոչ-աստուածային այլ բուն մարդկային խօսքեր կային, եւ միմիայն նրա փեսան Ալին, նրա իննը տարեկան ամուսնացած Այիշէ կինը, իր կողմնապահ ընկեր իրն Մէս'ուղը եւ ուրիշ մի քանի մարդիկ նրանից լսած զուրանական խօսքերը գրել էին

էին եւ մի քանի ուրիշներ էլ նրանից լսած կրօնական խօսքերը միտքով անգիր էին արել։ Երբոր Մուհամմէդը մեռաւ եւ այն Ղուրանի խօսքերն անգիր անողներից մէկ անգամ եօթանասուն հոգի մի պատերողամում սպանւեցին, եւ յետոյ դարձեալ Ղուրանը գիտցող ուրիշ եօթանասուն հոգի սպանւեցին, նրա կնիկներից մէկի հայրը՝ Օմարը շատ համոզումներով Մուհամմէդի միւս աներ Աբուբէքրին, որ նրա մահւանից յետոյ առաջին զերիշխանն էր, հասկացրեց. թէ Ղուրանը անսպատճառ պէտք է ժողովել, թէեւ այդ Աբուբէքրը նրան ասում էր, «մարդարէն որ Ղուրանը չէ ժողովել, ապա մենք ինչպէս կարող ենք համարձակւել»։ Վերջապէս Օմարը նրան համոզեց ասելով, թէ արդէն Ղուրանի երկու երրորդ մասերը կորուել են եւ միմիայն մէկ երրորդ մասն է մնացել»։ Իյն ժամանակ Աբուբէքրը զերիշխանը կանչեց իրանց մարդարէի երիտասարդ զրագիր՝ Զէյդ իրն Սարըթը, որ Ղուրանը ժողովէ մէկ զիրք չինէ։ Զէյդը պատասխանեց, թէ դա անկարելի քան է, որովհետեւ Մուհամմէդի խօսած մարդարէութիւնները կտոր կտոր տախտակների, ուկորների, կաշիների վրայ գրւած, խառնւած ցիր ուցան եղած են եւ մի քանի մարդիկ էլ կցկտուր եւ անհամաձայն կերպով լսելով անգիր են արել. Հիմա ինչպէս կարելի է դրանից մի օրինաւոր զիրք չինել։ «Եթէ ինձ հրտմայէք, ասաց. թէ գնա՛ այն ոարը կոնակդ ա՛ռ եւ տա՛ր այն ինչ տեղը, դա աւելի կարելի է, բայց Ղուրանը կարգին գրելը անհնարին է»։ Սակայն նրան պարզեւ խոստանալով հրամայեցին գիտեցտծին չափ Ղուրանը ժողովել։ Ա. նա ժողովեց շատ խառն կերպով։

Աբուբէքր իշխանի մեռնելուց յետոյ Օմարը իշխան լինելով Ղուրանը իր մօտն առած քանի տարի նոյն իսկ իր զաղափարներովը աւելացրեց. պակասացրեց եւ փոփոխեց. թէեւ մահմէդականները զոհ չէին։ Եւ երբ այդ Օմար իշխանը սպանեցին եւ Մուհամմէդի

փեսայ եղած Օսմանը մէկ անդամ ստիպւեց Ղուրանը իբրև իրանց մարգարէի ճշմարիտ պատէրները բոլոր մսւսուլմանների մէջ տարածել, որովհետեւ մահմէդականներ շատ տեղ իրար հակառակ Ղուրաններ ունէին, ինչպէս եւ Հայաստան ու Ազէրբայջան եղած այդ երկիրները յաղթած արար զօրքերը իրանց, տարբեր դուրանների խօսքերի համեմատ իրար հետ պատերազմ սկսեցին: Այն ժամանակ նրանց զօրապետը եկաւ Օսման իշխանին շատ խեղբեց, որ այդ տարբեր Ղուրանները ձգէ եւ մէկ հատ նորը շինէ: Օսմանն էլ իրաւմի նոր Ղուրան շինեց եւ ուրիշ որքան եւ որտեղ Ղուրաններ կային, բոլորը, եւ նոյնիսկ Մուհամմէդի հրամանով գրւածները ժողովից, ջնջեց եւ կրակով այրեց: Թէպէտեւ Մուհամմէդի մի շատ սիրելի ընկեր՝ իր Մէս'ուղ գրագիրը բուն իր մարգարէի ասելով Ղուրանի խօսքեր էր գրել, Օսմանը նրա գրած Ղուրանն էլ նրանից պահպանջեց, բայց երբ նա չըտւեց, այն ժամանակ Օսմանը նրան ծեծելով բոնութեամբ առեց այն Ղուրանը եւ այրեց. Իր Մէս'ուղն էլ իր պատիժիցը մեռաւ: Ահա՛ որչափ էլ Մուհամմէդի բուն բարի հաւատացողները նրանից լսելով գրած էին, Օսման իշխանը բոլորն էլ փճացրեց ոչնչացրեց, այնպէս որ դրա ժամանակից մինչեւ այսօր ոչ թէ Մուհամմէդի ասած խօսքերն են, այլ ահա 1300 տարի միմիայն այդ Օսմանի ուղղած, աւելացրած եւ սլակուցրած Ղուրանն է այս աշխարհըում: Շատ մահմէդականներ եւ մանաւանդ Պարսկաստանի շիյէները Օսմանի այդ մտքով ու գաղափարներով խառնաշփոթած Ղուրանին չեն հաւատում: Նոյնիսկ 33-րդ Ազհ'ար սուրէի մասին Մուհամմէդի Այիշէ կինը ասում էր, թէ դա 200 տուններից բաղկացած էր, բայց Օսմանը դրա միջիցը շատ բաներ հանելով տեղը շատ ուրիշ բաներ է խոթել եւ բոլորը սոսկ 73 տուն է դառել:

Հիմայ ամեն մի այս խօսքերը կարգացողը կը տեսնէ որ Ղուրանը Մուհամմէդը չէ ժողովիլ, իսկ նրա մահ-

ւանից յետոյ առաջ ժողովել է նրա աներ Արութէքը իշխանը, սրա մեռնելուց յետոյ Ղուրանը իր խելքովը սրբաբել եւ ուղղել է նրա մի ուրիշ աներ՝ Օմար իշխանը, եւ վերջապէս Ղուրանների մէջ շատ հակասութիւն եւ վնասակար բաներ տեսնելով իր հասկացած կերպովը վերանորոգել է նրտ փեսան՝ Օսման իշխանը, որ միւս ամեն ուղղակի Մուհամմէդի հրամանով գրւած Ղուրանները բոլորովին այրեց ոչնչացրեց:

Օսմանը եթէ ուղիղ մարդ լինէր պէտք էր Մուհամմէդի ասած եւ այստեղ ու այնտեղ գրել տւած խօսքերը բոլորն էլ մէկ Ղուրանի մէջ ժողովելուց յետոյ այն կաշիների, ոսկորների, տերեւների վրայ գրած բոլոր կտսրները մի ոսկուց կամ գոնէ արծաթից կամ պղնձից չինած սնտուկի մէջ պահէր տարուց տարի ապացուցանելով, թէ իրան գրած Ղուրանը ճշմարտապէս Մուհամմէդի խօսքերն են:

Բայց որովհետեւ խստութեամբ եւ մարդասպանութեամբ Մուհամմէդի խօսքերը փչացրեց, դա պարզ է որ իրան շինած Ղուրանը ճշմարտապէս Մուհամմէդի խօսքերը չեն: Այս մահմէղական իրողութիւնը պարզ կերպով յայտնում ենք մեր հայերին, որ մէկ կողմից Ղուրանի սիսալ գոյութիւնը ճանաչեն եւ մէկ կողմից էլ լաւ ճանաչեն նոր կտակարանի մաքուր աստուածային սուրբ ճշմարտութիւնը: Քրիստոսի երկու վկայ աշակերտները՝ Մատթէոսը եւ Յովհաննէսը գրեցին աւետարաններ որչափ որ իրանք տեսել եւ լսել էին: Մարկոսն էլ որ Պետրոս առաքեալի ընկեր էր, Պետրոսից իր բոլոր լսածները եւ մասամբ էլ իր տեսածները գրեց Աւետարան:

Իսկ Ղուկասը լու ուսեաւ գիտնական լինելով հաւատացել է փրկիչ Յիսուսին, եւ Պօղոս առաքեալի հետ միասին այլեւայլ երկիրներ էր գնում եւ նա Յիսուսին լաւ ճանաչող ճշմարիտ քրիստոնեաններից Նրա խօսքերը եւ գործքերը ժողովելով առաջ այդ Աւետարանը եւ յետոյ էլ Գործք Առաքելոցը դրել է: Հիմայ այդ չորս Աւ-

Եւտարանները գրողները միմևանցից զատ զատ լինելով  
բոլոր իրանց տեսածները եւ լսածները այնպիսի աստ-  
ուածային սուրբ ճշմարտութիւններով են դրել, որ ա-  
հա 1900 տարի այդ չորս Աւետարանների մէջ ոչ ոք մի  
հակասութիւն չը տեսնելով հրաշալի սուրբ խօսքեր եւ  
սուրբ գործքեր են կարդում, եւ քրիստոնեանները այն  
երեք մահմէղական իշխանների պէս երբէք եւ երբէք  
ոյն չորս Աւետարանների մէջ մի հակասութիւն, մի  
սխալ կամ մի անկանոն խօսք չեն տեսներ, որ փոփո-  
խէին ինչպէս Մոհամմէդի աներները եւ փեսան Ղու-  
րանը փոփոխեցին։ Եւ մենք այսօր այն չորս տարբեր  
գրած սուրբ Աւետարանների մէջ մէկ հատիկ սխալ  
կամ հակասական անկանոն խօսք չենք տեսնում։

Ահա՝ Ղուրանը թէպէտ երեք անգամ սրբագրւած,  
ուղղւած եւ նրա արմատական գրւածքները ոչնչացըր-  
ւած են, այնու ամենայնիւ քանի՛ քանի՛ հարիւր հա-  
կառակ հակասութիւններ, եւ որչափ անհասկանալի  
մտքեր, անհաւանելի խրատներ եւ սխալ ու անօրէն  
հրամաններ ունի։ Եւ այսօր յայտնի է, որ նոյնիսկ  
շատ երեւելի գիտնական մահմէղականներ՝ Ղուրանը  
մեկնելով իրար հետ հակառակ (իխթիլաֆ) մտքեր են  
յայտնում, քանի՛ քանի՛ սուտ պատմութիւններ (բիվա-  
յէթ), են յօրինում եւ շատ անգամ էլ միեւնոյն Ղու-  
րան մեկնողը այս կամ այն խօսքի մասին տսում է,  
«սա կա՛մ այսպէս հասկացէք, կա՛մ այսպէս, կա՛մ այս-  
պէս հասկացէք»։ այնպէս որ երկու, երեք եւ մինչեւ  
եօթը կամ առաւել եւս մեկնիչ խօսքեր են առում, ո-  
րովհետեւ այս 1300 տարիների ընթացքում տակաւին  
չեն հասկացել Ղուրանը եւ երբէք էլ չեն հասկանալու  
թէ Ղուրանը այստեղ եւ այնտեղ ինչ է տսում։

Հիմա ուշադրութիւն արեցէք, թէ բուն կրօնասէր  
մահմէղական գիտնականները, որ Ղուրանը չափազանց  
պաշտպանում են, նրանցից ամենախելօք մեկնիչներից  
մէկը՝ անունը Իմամ Սիութի որի բազմաթիւ դրքերից  
իթկան անունով մէկը շատ երեւելի գիրք է, դրա մէջը

վկայում է, թէ իրանց մարդարէի Մէդինէյում ասած խօսքերիցը զիտնալով կամ տղիտութեամբ մէքքէական սուրէների մէջն են դրել եւ նոյնպէս էլ Մէքքէյում ասած Ղուրանի խօսքերը մէդինէական սուրէների մէջն են մացրել։ Մենք այստեղ այս վերջի կերպը կը ներկայացնենք, այսինքն թէ որքան մէքքէական խօսքեր մէդինէական սուրէների մէջն է խառնւտծ։ Ահա՝ 2-րդ մէդինէական սուրէյում դրւած են 103, 274 մէքքէական տունը։ 6-րդում 10, 91, 93, 94, 114, 152 տուներ։ 7-րդում 163 - 173. 8-րդում 30, 65. 9-րդում 114, 129. 10-րդում 41—109 եւ այսպէս ուրիշ 40 մէդինէական սուրէներում չատ մէքքէական խօսքեր խառնուած են։ Ցաւն այս է, որ թշւառ 200 միլիոն մահմէդականները, որ արաբերէն Ղուրանը միշտ եւ մանոււանդ Ռէմազան ամիսը այդ խրթին անհասկանալի արաբերէն Ղուրանը կարդում են, բայց բնաւ չեն հասկանում, թէ որչափ սխալներ, որչափ շինծու կիսատպատմութիւններ, անօգուտ եւ խիստ սխալ եւ անօրինի խօսքեր կան. կամ եթէ հազար կամ տասը հազար մուսուլմաններից մէկը արաբերէնը գիտէ. դարձեալ մութ եւ կիսատպուած Ղուրանը չի հասկանայ։

Սա էլ իմացէք թէ ինչպէս մահմէդականներն իրանք 120 տարի Մուհամմէդից յետոյ սկսեցին Ղուրանը գոնէ մի կերպ բացատրելու եւ ուղղելու համար, քանի քանի հազար հէղիսներ այսինքն Ղուրանից զատիքրեւ Մուհամմէդի ասած խօսքեր եւ նրա արած զոծքեր այլ եւ այլ չատ գրքերում ժողովել եւ կրկնել են։ Այստեղ այն չատ հաղիսապեաններից միայն մէկի անունը յիշենք՝ Ալ-Բուխարի, որ գրեթէ 200 տարի Մուհամմէդից յետոյ իբրեւ թէ նրա ասած 600 հազար խօսքերը ժողովել է, բայց զրանցից միայն 4000 ընդունել եւ 594 հազարը դէն է զցել. այսինքն իբրեւ սուտ հնարած խօսքեր։ Եւ կան միւսլիմ գիտնականներ էլ որ նոյնիսկ Ալ-Բուխարիի 4000 իբրեւ թէ Մուհամմէդի ասած հէղիսները սուտ են համարում։ Նոյնպէս էլ

ուրիշ շատ հաղիսագործ մարդիկ խիստ շատ բաներ են հնարել եւ գրել իրրեւ թէ միւսլիմ մարզկանց կեանքի բոլոր օրէնքներն են իրր Մուհամմէդն է ասել, մինչդեռ Ղուրանը շատ քիչ եւ խիստ անորոշ օրէնքներ ունի։ Արդ բուն այդ Ղուրանի եւ իրրեւ Մուհամմէդի հէղիս անունով խօսած միտքերի եւ օրէնքների մէջը գիտնական խելօք մուսուլմանների ասածին պէս, չորս հակասական կանոններ կան։ Ա) Ղուրանը ոչնչացնում է Ղուրանի խօսքեր, Բ) Ղուրանը ոչնչացնում է հէղիսներ, Գ) հէղիսներ էլ կան որ ոչնչացնում են Ղուրանի խօսքեր եւ Դ) կան հէղիսներ էլ որ ջնջում ոչնչացնում են դարձեալ հէղիսներ այսինքն սրանք ամենքն էլ միմեանց հակառակ խօսքեր են։ Մահմէդականների այս հնարած կանոնից միայն այսչափը յայտնի է, որ Ղուրանը շատ քիչ օրէնքներ ունի մուսուլմանները կարգին կառավարելու համար, բայց այդ բոլոր Ղուրանը 114 սուրէի բաժնւած է, դրանցից կան այնպիսիներ, որոնք 3, 4, 5, 6 եւ 10, 29 եւ տյդպէս քիչ եւ շատ կարճ տուններ ունեն, բայց կան եւ այնպիսիներ որոնց մէջ կան 100 կամ 200 կամ աւելի մեծ մէծ ոչ ոտանաւոր այէթներ այսինքն տուններ։ Այն կարճ ու տներով սուրէնները կիսատ ոտանաւորների պէս կռապաշա արաբների գազափարներով եւ երդումներով Մուհամմէդի Մէքքէ քաղաքում յօրինածներն են, իսկ այնտեղից Մէղինէ քաղաքը փախչելուց յետոյ ինքը եւ իր հաւատացող ընկերները շատ երկար եւ հասարակ ու պարզ ոճով ընդարձակ սուրէններ են շինել։ Մէքքէի ոտանաւոր տները պէտք էր բանաստեղծութիւն սիրող արաբներին յափշտակէր։ բայց նա Մէղինայում հզօր իշխան եւ զինւորապետ լինելով, այն պարզ, հասարակ եւ անճաշակ երկար սուրէններն է գրել, որոնց մէջ գըլխաւորապէս պատերազմ է խրատում։

Առաջին սուրէ։ Մուհամմէդի մի գրագէտ ընկերը իրն Մէս'ուդ նրա խօսքերը լսելով ասում էր, թէ ինքը ամբողջ Ղուրանը գրել է, բայց Օսմանի ժողոված

Ղուրանի առաջի ֆաթիհէ սուրէն եւ վերջի երկու սուրէները Մուհամմէդի խօսքնրը չեն:

Երկրորդ սուրէն «Էւ բուզարա» այսինքն «կովը» 286 այէս ունէ: Մուհամմէդի մահից յետոյ միւս լիւմները ստիպւեցին Ղուրանը ժողովել ճիշդ արարքանաստեղծների գրքերին պէս, ուր ամենից առաջ գրում էին երկար ոտանաւորը եւ յետոյ կամաց կամաց կարծերը ու համառոտները. եւ այդ պատճառով «կով» սուրէն շատ տարբեր տարբեր խօսքերով ամենաերկար գլխաւոր սուրէն շինեցին:

Ղուրանի 114 սուրաներից 113ը սկսում են միշտ «բիսմիլլահ ար-րէհմանը ար-րէհիմ» խօսքով, այսինքն «գթած ողորմած Աստուծոյ անունովը», որ մի կերպով նմտնում են քրիստոնեաների «յանուն Հօր եւ Որդւոյ եւ Հոգւոյն Սրբոյ» խօսքին: Իսկ իններորդ սուրէն այդ «բիսմիլլահը» չունի: Միւսիւլմաններից շատերը ոչ մի «բիսմիլլահ» չեն ընդունում ասելով, թէ շինած աւելորդ բան է. բայց ոմանք էլ ընդունում են, ուրեմն իրարու հակառակ են:

Ոյս երկրորդ սուրէն ամենատկար գիտնականների գրւածքներից եւ շարադրութիւններից անկանոն եւ չափազանց խառնի խուռն եւ ընդհանրապէս անհասկընալի տարբեր բաներից բաղկացած է, այնպէս որ ոչ ամենախելօք մահմէդականներն են հասկանում եւ ոչ էլ քրիստոնեայ դիտնականները: Գիտնական մահմէդականները Ղուրանի այս երկրորդ մեծ սուրէն եւ միւս սուրէնները լաւ չը հասկանալով իրանց խելքի երեւակայութիւնից հարիւրներով շինծու անձմարիտ պատմութիւններ են հնարում, որ անմեղ չը հասկացող ընթերցողներին խորամանկ հնարած պատմութիւններներկայացնեն: Բայց Մուհամմէդից 600—2100 տարի առաջ աստուածային զարմանալի իմաստութիւնով Նորու Հին կտակարանը որչափ պարզ եւ որոշ հասկանալի է աշխարհիս քրիստոնեաներին, հրէաներին, մահմէ-

դականներին եւ հեթանոսներին, երբոր նրանք բառ  
առ բառ թարգմանւած կը կարդան առանց մեկնութիւն-  
ների եւ լաւ կը հասկնան:

Հիմայ նայեցէք Ղուրանի այդ «կով» սուրէին եւ  
կարդացէք, եւ կը տեսնէք, որ կցկտուր ու խառն ի  
խուռն եւ թերի թերի կտորներ լինելով անհասկանալի  
է: Այս երկրորդ սուրէի առաջին համամը յիշում է «եր-  
կիւղածներ» եւ շարունակում է մինչեւ կրդ տունը.  
բայց դրանք ո՞վ են, միւսիւլմներ են, թէ քրիստոնեա-  
ներ կամ հրէաներ, յայտնի չէ: 5 եւ նրդ տունը պատ-  
ժում է անհաւատներին, եւ 7-22 տունը յանդիմանու-  
թիւն է ասում անհաւատներին, բաւց ո՞վ գիտէ Մու-  
համմէդին չը հաւատացող արաբներին դէմ է թէ քրիս-  
տոնեաներին կամ թէ հրէաներին: 23 գովում է հաւա-  
տացողներին թէ դրախտը կը գնան, այնտեղ լաւ կե-  
րակուր կուտեն եւ մաքուր կնիկներ կունենան: (•')  
24 խօսում է դարձեալ չը հաւատացողների մասին:  
25-26 խրատում է, որ Աստուծուն հաւատան: 27-37  
խօսում է Սղամի մասին. 38-97 հրէաներին է խրատում  
շատ բան ասելով, նոյնպէս էլ թէ Աստուծ նրանց  
մէկ անդամ մեռցրել է եւ դարձեալ կենդանացրել, եւ  
մի ուրիշ անդամ էլ նրանց կապիկներ է շինել: (•')  
98-112 գրեթէ ամեն մի տունը բոլորովին մի ու-  
րիշ խօսք է ասում. նրանցից 100րդ տունը վկայում է,  
թէ Մուհամմէդն իր Ղուրանի խօսքերը կամ մոռանում  
եւ նրանց փոխարէնը ուրիշ խօսքեր է գրում, կամ  
Ղուրանի այս կամ այն խօսքը նոր խօսքով ոչնչացնում  
է: Մի՞թէ Աստուծ թող կըտայ, որ իր մարգարէն  
մոռանայ իր հրամայած պատէրները կամ նոյն իսկ չը  
մոռացած այն առաջին ասածները նոր խօսքերով ոչըն-  
չացնէ: 113-115 խրատ եւ յանդիմանութիւն է ուղղակի  
Մուհամմէդին: 116-117 բառ առ բառ կրկնութիւն  
է 44-45-րդ համարներին: 118-135 կրկին խրատ  
է հրէաներին, թէ Յակոբը իր Աբրահամ, Իսմայէլ (•')  
եւ Խսահակ հայրերին հետ միւսլիմ էր, եւ որդիներին

խրատում էր, թէ միւսլիմ դաւնան։ 135-145-րը յանկարծ մի խրատ է միւսիլմներին որ աղօթք անեն եւ յանդիմանութիւն է Մուհամմէդին։ Եւ երբ Մուհամմէդը փախաւ եկաւ Մէջինէ, այնտեղի հրէաներին իրան հաւատացնելու համար սկսեց երկար ժամանակ դէպի Երուսաղէմ նամազ անել, բայց որովհետեւ նրանք իրան չհաւատացին, սկսեց արարները շահելու համար դէպի Մէքքէի Քէ'րէ տաճարը նամազ անել, թէ եւ այդ Քէրէում 360 կուռքեր կային եւ ինքն էլ 50-53 տարի միշտ այն կոապաշտական տաճարի մօտն էր իր նամաղն արել։ 146-153 Մուհամմէդը կոապաշտ արարները շահելու համար բացի կուռքերով լիքը Քէրէից Մէքքէի մօտ եղած Սաֆան եւ Մարվա երկու սարերը՝ որոնք էլ կուռքեր պաշտելու տեղեր էին, ընդունեց իրեւ ճշմարիտ կրօնական ուխտատեղիներ, եւ այսօր էլ ամեն Մէքքէ գնացող հաճիներ այդ սարերի մօտ ճիշտ կոապաշտ հին արարների պէս փոքր քարերովն են պաշտօն կատարում։ 154 անէծք հրէաներին, 155 մահմէտականներն իրանց օգուտին համար աւելացրել են։ 156-166 միւսիլմների ուտելիքը։ 157-166-ը անէծք անհաւատ արարներին։ 167-168 մէկ պատէր արարներին, թէ ինչ պիտի ուտեն։ 169-171 դարձեալ հրէաների դէմ։ 172 դարձեալ մահմէդականների աղօթքի մասին։ 173-175 արիւնհեղութեան մասին։ 176-181 պահք պահելու ամիսը։ 182 բոլորովին նոր խօսք Մուհամմէդին։ 183-184 դարձեալ նոր խօսքեր առանց բացատրութեան։ 185 այս տունի մէջ երկու բոլորովին տարբեր խօսքեր՝ մինն ասում է լուսնի փոփոխութիւնների մասին։ իսկ միւսը յանկարծ թէ «ետեւի կողմից ձեր տունը մի մտնէք այլ առաջին դոներովը»։ Նոյն իսկ մահմէդականներն զարմանում են այս անյարմար խօսքերի մասին։ 186-191 իսլամ կրօնքի համար պատերազմի հրաման։ 192-199 ուխտագնացութեան օրէնք։ 200-204 մի անորոշ խօսք մէկ անզգամի եւ մէկ բարեպաշտի մասին։ 205-206 մի խրատ միւս-

լիմների: 207—210 մի խօսք հրէաներին: 211 ողոր-  
մութիւն տալու համար: 212—215 դարձեալ կրօնքի հտ-  
մար պատերազմ: 216 մէկ յայտնութիւն գինու եւ դը-  
րամով խաղալու մասին, նաև ողորմութեան խրատ:  
217—219 մի աստուածային խրատ որբեր վերաբեր-  
եալ: 220—221 ամուսնութեան արգելք: 222—223 կա-  
նանց ամսական մաքրուիլը եւ մի խիստ անբարոյա-  
կան խօսք, «Ճեր կնիկները արտ են Ճեղ ամար, ուրեմն-  
մաէք Ճեր արտը որ կողմից ուզում էք»: 224—225 ։  
Ալլահից նոր խօսք: 226—228 ամուսնութիւնը լու-  
ծել: 239—240 մի աղօթք: 241 բաց թողւած որբե-  
ւայրիների մասին: 242—248 դարձեալ լուծւած կա-  
նանց վերաբերեալ: 244 անծանօթ անծանց մասին:  
245—253 դարձեալ պատերազմի հրաժան: 254 մի շատ  
անորոշ խօսք: 255 դարձեալ ողորմութիւն տալու պատ-  
ւէր: 256 մի նոր միտք: 257 ոտ էլ մի ուրիշ նոր  
խօսք: 258—259 Աստուծոյ վերաբերեալ: 260—262  
Աբրահամի մասին: 263—275 երկու երրորդ մաս ո-  
ղորմութեան: 276—281 վաշխառուների դէմ: 282—284  
այլ եւ այլ խօսքեր Մուհամմէդի, հաւատքի եւ աղօթ-  
քի համար: —Այս երկրորդ սուրէն ո՛րչափ անկանոն եւ  
անկարգ գլուխ է: Բոլոր աշխարհքում մի խառնիխուռն  
բաներ մէկ գրքի մէկ գլխումը երբէք չըկայ: Նոյն խոկ  
ամեն մի մահմէդական, որ մի բան է գրել, որչափ էլ  
բարձր գիտնական չէ, կարգով եւ կանոնով է գլուխ  
գլուխ գրում. բայց Ղուրանը անսահման անկանոն է  
գրեթէ սկզբից մինչեւ վերջը:

Ընդհանրապէս բոլոր սուրէների մէջ խիստ շատ ան-  
հասկանալի գրւածքներ կան, որոնց հասկանալուն հա-  
մար մահմէդական խելացի մարդիկը քանի՛ քանի՛ հա-  
րիւր նոր նոր պատճառներ եւ պատմութիւններ են հը-  
նարում եւ ասում, թէ այսպէս եւ այսպէս բան է պա-  
տահել, եւ այդ մասին է Ղուրանը այսպէս ասում, բայց  
գրանց ամենն էլ սուտ եւ հնարած բաներ են: Այստեղ  
միայն մէկ օրինակ բերենք: Ղուրանի 70-րդ սուրէի

սկզբումն այս խօսքը կայ՝ «սէէլէ սայրլուն», եւ դրա  
պարզ միտքը այսպէս է այսինքն «հարցրեց հարցնողը»։  
սակայն մահմէղական անթիւ գիտնականներից եւ ոչ  
մէկը չէ հասկանում, թէ այդ հարցնողը ով է։ Ուշա-  
գութիւն արէք թէ Հուրանի խեղճ մեկնիչներն ինչ  
են ասում։ մէկն ասում է, թէ կուապաշտ արար «Նէ-  
զէր իրն էլ Հարսլն է հարցրել», միւսը թէ «Մուհամ-  
մէդի թշնամի Արու ծէհն է հարցրել» կամ «իրանց  
մարգարէ Մուհամմէդն է հարցրել»։ Սիրելի հայեր, կը  
տեսնէ՞ք, թէ որչափ անհասկանալի է Հուրանի մեծ  
մասը։ Սա մի մեծ սութ բան է, որովհետեւ այն Նէ-  
զէրը եւ Արու-ծէհնը Մուհամմէդի խիստ թշնամիներն  
են, եւ հիմա ամենագիտուն մահմէղականները չեն ի-  
մանում, թէ այն խօսքը «հարցրեց հարցնողը» թշնա-  
միներն են ասել թէ իրանց մարգարէն։

Շատ անգամ էլ պատահած է Հուրանում, որ գիտ-  
նական մէկը ուրիշի հնարած մեկնութեանը չէ հաւա-  
տում եւ ինքը մի նորն է շինում, եւ այսպէս շատ  
մութ տեղեր կան Հուրանում, ուր երկու երեք չորս  
եւ մինչեւ եօթը եւ աւելի տեսակ տեսակ հնարած մեկ-  
նութեան պատճառներ կան։ Բայց ոչ միայն Մուհամ-  
մէդի մութ խօսքերը հասկացնելու համար նրա ժամա-  
նակին վերաբերեալ միտքեր են հնարում, այլ նաեւ  
Մովսէսի, Փարաւոնի, Արքահամի, Նոյի եւ Աղամի  
մութ պաամութիւնները բացաարելու համար դարձեալ  
նոր նոր բաներ են մտածում եւ գրում։ Ահա՛ սա է  
պատճառը, որ Հուրանը իր յօրինւած կերպով չէ հաս-  
կացւում, եւ այդ մասին խոլամի բոլոր գիտնականները  
խիստ արգիլեր են, թէ Հուրանը որոշ կերպով բառ  
առ բառ չը պէտք է թուրքերի, պարսիկների եւ ուրիշ  
մահմէղական ազգերի համար թարգմանել, այլ պէտք է  
անպատճառ մեկնութիւններով միասին թարգմանել,  
որովհետեւ առանց այդ հնարած մեկնութիւններին կամ

Ղուրանը բոլորովին չի հասկացւիլ, կամ շատ անկարգ եւ անառակ բաներ կը կարդացւի:

Մահմէղական գիտնականներից ոմանք աեսնում են թէ Ղուրանում Մուհամմէդի մէկ հատիկ հրաշքի համար մէկ խօսք չկայ, ուրեմն հաստատում են, թէ նրա հրաշագործութիւնը Ղուրանում նրա բացարձակ «փէսահէթ ու բէլաղէթն» է, այսինքն նրա ճարտարախօսութիւնը եւ ոտանաւորանման ոճերը: Բայց այդ հրաշագործութիւն չէ: առաջ պէտք է սա խմանալ, որ Ղուրանի միմիայն մի քառորդ մասը ունի կիսատ ոտանաւորի նման ոճեր, իսկ երեք քառորդը շատ պարզ հասարակ խօսքեր են: Եւ այն ոտանաւորների պէս զըրւած սուրէներն ու այէթները ամենալաւ արարերէն գիտցողներին համար մեծաւ մասամբ անհասկանալի են: Բայց հարիւրէն աւելի կատարեալ պերճախօս արաբ բանաստեղծներ կան եւ հրաշագործ չեն: Մի երեւելի պարսիկ ասում է՝ մէկ անգամ, «բանաստեղծութիւնում երեք մարգարէներ կան՝ Թիրդովսի ու Սա'ադի ու Անվէրի». Եւ մէկն էլ նրան ասում է, «ապա Հա՞ֆըլը»: Նա էլ պատասխանում է, «ո՛հ, ո՛հ, Հաֆըլը աստուած է»: Ուրեմն Ղուրանը տկար բան է:

Բուն կրօնական մահմէղականներն ասել են եւ ասում են, թէ Ղուրանը այս աշխարհի ստեղծելուց առաջ Աստուած երկնքումն իր աթոռին մօտ դրել է եւ յետոյ մաս առ մաս յայտնել է Մուհամմէդին, ուրեմն այս Ղուրանը ճիշտ այն երկնային Ղուրանի օրինակն է: սակայն եղել են եւ այնպիսի շատ խելացի մահմէղական գիտնականներ, ինչպէս Մէ՛մուն թաղաւորը եւ իր ժամանակից գիտնականներից ոմանք եւ մանաւանդ երեւելի մեկնիչ Զամախշարին պարզ խելքով խմանալով որոշ պնդում են, թէ Ղուրանը յաւիտենական հին գիրք չէ, այլ սոսկ Մուհամմէդի գաղափարներն են: Իրաւ եթէ Աստուածոյ խօսքերը լինէին, պէտք էր, որ Աստուած աշխարհի ամեն մարգկանցից աւելի պարզ խօսած լինէր: բայց չկայ:

ՂՈՒՐԱՆԻ ՀԱԿԱՍՈՒԹԻՒՆՆԵՐԸ. — Արու-Արդու լ-  
լահ Մուհամմէդ անունով լաւ մահմէղական գիտնականը  
մի դիրք է հեղինակել, ուր բուն իսկ իրանց կրօնա-  
հիմն Ղուրանից մի քանի հարիւր պարզ եւ որոշ հակա-  
սութիւններ է ներկայացնում։ Նա ասում է, թէ Ղու-  
րանի հարիւր տասնչորս սուրէներից եօթանասուն մէ-  
կին մէջ իրար հակառակ եւ իրար ջնջող խօսքեր կան,  
ասինքն վեց սուրէներում ջնջողներ, քառասուն սու-  
րէներում ջնջողներ եւ քսանհինգ սուրէներում ջնջող-  
ներ եւ ջնջողներ կան։ Օրինակի համար նա քառա-  
սունութ սուրէներից հարիւր տասնչորս տուններ է ըե-  
րում, ուր Ղուրանը հրամայում է բազմաստուած մար-  
դիկների այսինքն կռապաշտների, քրիստոնեաների եւ  
հրէաների հետ խաղաղ կերպով վարւել, եւ այդ պատ-  
ւէրները եղել են Մէքքէ քաղաքում, ուր տկար Մու-  
համմէդը քիչ հաւատացողներ եւ շատ հակառակ մարդիկ  
ունէր. իսկ երբ նա փախաւ եկաւ աղքատ Մէդինէ  
քաղաքը եւ այնտեղ շատ զինւորական հաւատացողներ  
զտաւ, այն ժամանակ Աստուածանից մի քանի հրա-  
մաններ բերեց թէ «սպանեցէք բազմաստուածներին  
ուր որ նրանց գտնէք», եւ այսպիսի մի քանի պատ-  
ւէրները ջնջում ոչնչացնում են Ղուրանի այն խաղա-  
ղութեան շատ խօսքերը։ Նա ցոյց է տալիս, թէ Ղու-  
րանում ջնջածներն են 2-րդ սուրէի մէջ 26, էլ իմ-  
րանում 5, Նիսայում 24, Մա'լղէյում 9, էնանում 14,  
է'էրաֆում 2, էնֆալում 6, Թովրէյում 7, եռնըսում,  
4, Ղուղում 3, եւ այսպէս վերեւ յիշւած եօթանասուն-  
մէկ սուրէներում մի քանի հարիւր իրար հակառակ  
ջնջող եւ ջնջող այէներ կան, եւ այդ գիտնական  
միւսլիմին նպատակը միմիայն սա է, թէ Աստուած  
Մուհամմէդին, մինչդեռ սա Մէքքէյումն էր, շատ հրա-  
մաններ է տեել. իսկ երբ նա եկաւ Մէդինէ, այնտեղ  
Աստուած ինքը իր տւած հրամաններն ու խրատները  
ջնջեց եւ նոր հրամաններ տւեց։ Սակայն ամէն մար-  
դու լաւ յայտնի է, որ Մուհամմէդը Մէքքէյում եղած

իր տկար ժամանակը այնտեղի իրան հակառակ մարդկանց գէմ մեղմ խօսքեր էր ասում, իսկ նրբ փախաւ Մէդինէ, նա այնտեղ շատ հաւատացողներով հզօրացած իր հին խաղաղ կեանքը, նպատակները եւ կանոնները ոչնչացրեց իր Մէքքէցի թշնամիներին գէմ, եւ նոր արիւնոտ հրամաններ բերեց, եւ թէ՛ ինքը եւ թէ՛ իր բաղմաթիւ հաւատակից միւսլիմները սկսեցին քարաւաններ, գիւղեր եւ քաղաքներ կողոպտել, շատ շատ մարդիկ սպանել եւ հազարներով կանայք, աղջկերք եւ տղերք գերի բռնել:

Թէեւ մահմէդականները Մուհամմէդին արդարացնելով իրանց Ղուրանի շատ հակասական խօսքերը Աստուծուն են վերագրում, իբր թէ Աստուած մէկ անգամ այսպէս եւ միւս անգամ այնպէս է հրամայել, բայց մենք Ղուրանը կարդալիս տեսնում ենք, ոչ թէ միայն այս եւ այն ասւած վարչական պատւէրներն են փոխած, այլ ուրիշ պատմական հակասութիւններ էլ շատ կան: Կարդացէք Աղամի, Նոյի, Արրահամի, Իսմայէլի, Իսահակի, Յակոբի, Յովսէփի, Մովսէսի, Ահարօնի, Փարաւոնի, Դաւիթի, Սողոմոնի պատմութիւնները Հին Կտակարանում, եւ կարդացէք Նոր Կտակարանի խօսքերը, ահա՛ կը տեսնէք, որ Մուհամմէդը անզրադէտ լինելով այստեղ այնտեղ տղէտ հրէաներից եւ քըրիստոնեաններից շինծու պատմութիւններ լսելով ինքն էլ կամ յիշողութեան տկարութիւնովը կամ գլխաւորապէս իր նպատակների համար նորանոր եւ այլանդակաւելացրած պատմութիւններ է խօսել: Կարդացէք Աղամի մասին 2-դ սուրէի 28-32 համարը, 7-դ սուրէի 10-17 համարը, Կայենի եւ Արէլի մասին 5-դ սուրէի 5, 33-34 համարը, Նոյի մասին 26, 105-121: Արրահամի մասին 21, 51-69: Դաւիթի մասին 34, 11-13, 38, 29-39: Սողոմոնի մասին 27, 15-45: Մովսէսին համար Մուհամմէդը խիստ շատ պատմութիւններ է խօսում Ղուրանում, գրեթէ այդ գրքի մի երրորդ մասը միայն Մովսէսից, Ահարօնից եւ Փարաւոնից է խօսում: Նա

Խւ 18-դ սուրէյում Մովսէսի մասին մի այլանդակ պատմութիւն անելով խօսում է նաև Զուլղարնէյն Աղէքսանդր մակեդոնացուն հաւար, թէ նո դէպի արեւմուտք գնալով աշխարհիս այն տափարակ տեղը գտաւ, ուր արեգակը ցեխոտ դաշտին մէջ մար էր մտնում, նոյնպէս էլ իբր թէ զնաց դէպի արեւալք եւ գտաւ աշխարհքիս այն դաշտը, որտեղից ծագում էր փռքրիկ արեգակը այս մեր շատ մեծ աշխարհքի դաշտիցը:

Այսպէս էլ Ղուրանի 2, 61. 5 65. 7 16Ե համարներում ասում է Մուհամմէդը, թէ Աստուած իսրայէլացիներին պատժելով նրանց կապիկներ եւ խոզեր չինեց: Կամ Սինայ սարը բարձրացրեց եւ իսրայէլացիներին գլխին վրայ կախեց նրանց վախեցնելով. որ իր պատւիրանքները պահեն, 2, 60-87. 4, 15Յ: Եւ որովհետեւ իսրայէլացիները Մովսէսին չէին հաւատում եւ չէին հնագանդում, Աստուած իբր թէ նրանց մեռցրեց եւ յետոյ դարձեալ կենդանացրեց, 2, 52-5Յ: Նաև ասում է Մուհամմէդը, թէ այս պատմութիւնները, որ Հին եւ Նոր կտակարանին հակառակ բաներ են, իբր թէ Աստուած ինքն է իրան յայտնել. կարդացէք 7, 99. 10, 51-102. 121. 12, 3, 103. 4, 161-162, եւ որովհետեւ Մուհամմէդն Աստուածաշունչը կարդա, չը գիտէր եւ տգէտ հրէաներից էր աւելորդ պատմութիւններ լըստմ, եւ ինքը իր ուզածը չինում եւ ասում էր իբր թէ Աստուած է իրան մի քանի բաներ սովորեցնում եւ մի քանիոը ոչ, 40, 78: Սակայն արաբներն ասում էին իրան թէ «Ղուրանը սուտ է եւ ինքն է հնարում. 25, 5-6. Կամ մի ուրիշ երկրացի է նրան պատմում, եւ նա էլ իրան պաշտպանելով չէ ասում թէ լսել է կամ ինքն է հնարում, այլ ասում է թէ Ղուրանը արաբերէն է. 16, 105 ուրեմն իրաւ արաբերէն է, բայց եւ չինած անձմարիտ բաներ է:

Ղուրանը շատ անգամ գովում է Մովսէսի հինգ դիրքը, Սողմոսը, մարգարէների դիրքը եւ Նոր կտակարանը, նա մէկ անգամ ասում է. «Եւ պէտք է Աւել-

տարանի տէրերը դատեն նրանով ինչ որ Աստուած ուղարկել է նրանում. ուրեմն ով որ չը դատէ նրանով ինչ որ սւղարկել է Աստուած, ահա նրանք ամբարիշտներ են» (5, 51): Նա գովում է նոյնպէս եւ քրիստոնեայ քահանաները եւ վարդապետները: (5, 85):

Ղուրանի 19, 8. համարում ասում է Մուհամմէդը իբր թէ Աստուած ասեց Զաքարիային թէ «Քեզ մի որդի կըտամ անունը Յովհաննէս, մինչդեռ այսպիսի անուն տակաւին ոչ ով չէ ունեցել»: Ղուրանի այս խօսքըն էլ լաւ ապացոյց է, որ Մուհամմէդը Աստուածաշունչը չը գիտէ. որովհետեւ Յոհաննան անունը կայ Դ. Թագ. 25. 25, Երեմ. 40, 8, 13, 15, 16. 41, 11, 13-15. 42, 1, 8. 43, 2, 4, 5, Ա. մնաց. 3, 15, Եղբ. 8, 12:

Մէկ տգիտական պատմութիւն ասում է Մովսէս մարգարէի համար. 18, 59-81:

Մահմէդականների այդ խիստ յարկած Ղուրանը ընդհանրապէս խրթին լինելու պատճառով լաւ չեն հասկանում, միայն միշտ կարդում են եւ անգիր էլ անում: Բայց եթէ բառ առ բառ թարգմանւի ինչպէս Աստուածաշունչը մի քանի հարիւր լեզուների թարգմանւած է, այն ժամանակ մահմէդականներից շատերը նրա սխալները, անկանոնները, հակառակութիւնները եւ անբարոյական ու անարդար դատողութիւնները կարդալով՝ Ղուրանը խկոյն կը մերժեն: Ուրեմն այստեղ մի քանի հակասութիւններն էլ միայն թւանշաններով յեշիմ: Կարդացէք 4, 45 եւ 6, 23. 23, 103 եւ 37, 27. 41, 8-9, 41, 10-11. 79, 27-30 եւ 7, 52. 10. 3. 10, 9. 25, 60. 32 3. 50, 37. 54, 4. նոյնպէս էլ 15, 92. 37, 24. 7, 5 եւ 55, 39 եւ բացի սրանցից ուրիշ բազմապատիկ հակասութիւններ էլ կան:

Յովսէփի մտյրը շատ վազուց էր մեռել, Ծննդ. 35, 19. Մուհամմէդը նրան զեռ շատ երկաի է ապրած համարում: 12, 100

28 սուրէի սկզբումը Մուհամմէդ եսթերի դրքում Ասուերոս պարսիկ թագաւորի Համանը իրան ամենա-

բարձր կառավարչապետը շինւած անձը Եղիպտոսի Փարաւոնի մեծ իշխանն է կարծում:

Մուհամմէդի ընկերները նրա սիրուն կնոջ Այիշէի մասին կասկածոտ բարոյական բաներ էին խօսում, նա նրանց ծեծելով պատիժներ տւեց: Սուրէ 24.

Գիրք թւոց 19-դ եւ Բ. Օրինաց գրքի 21 դլիսի սկզբու մը երկու կերպ կովերի մասին է գրւած, իսկ Մուհամմէդն Աստուածաշունչը չգիտնալով խառնում է: (2, 68-69):

Ղուրանի վերաբերեալ տակաւին շատ ասելիք խօսքեր ունենք: Մուհամմէդը մասամբ Արէսսինացի թագաւորին օգնութիւնը եւ մասամբ էլ Արարիայում եղող քրիստոնեաներին շահելու համար ասում Ղուրանում, թէ «Յիսուսը ծնւել է կոյս Մարիամից» (3, 40-42), «Նա գերազոյն անձ է այս աշխարհում» (3, 40), «Աստուծոյ մարգարէ է» (19, 31), «Աստուծոյ ծառան է» (19, 31), «Աստուծոյ ուղարկածը» (4, 169), «Աստուծոյ Հոգին» (4, 169), «Ճշմարտութեան խօսքը» (19, 35) «Աստուծոյ խօսքը» (4, 169), «Մեսիան» այսինքն Քրիստոսն է (3, 40): Բայց որովհետեւ բոլոր Ղուրանում Յիսոսուի դէմ մէկ հատիկ յանդիմանութիւն չկայ, ուրիմն նշանաւորը սա է, թէ ո՛րչափ շատ յանդիմանութիւններ կան բուն Մուհամմէդի դէմ: Կարդացէք 6, 52 67, 176, 9, 43, 108, 114, 10, 94 եւ հետեւեալը, 10, 111, 19, 23, 27 25, 54 26, 213, 28, 85-88, շ9, 7, 33, 1. 47, 68, 10. Մուհամմէդին վերաբերեալ այս յանդիմանութիւնները օրինակի այսպիսի խօսքեր են, «ո՛վ Մուհամմէդ, եթէ դու այս կամ այն բանն անես, դու անարդարներիցն ես», «կուպաշտներիցն ես եւ կեղծառորներիցն ես»: Կամ «որովհետեւ դու այս եւ այն բանն արել ես, քո մեղքի համար ներողութսւն խնդրի՛ր»: Կամ «վախի՛ր Աստուածանից եւ մի՛ հնազանդիր կուպաշտներին եւ կեղծառորներին»: Սա մարգարէի՞ կեանք է. ո՛չ: Այս յանդիմանութիւնները ոչ թէ Աստուած է ասել, այլ այն քրիստոնեաները, որ նրան կրօնական

բաներ էին պատմում։ Մուհամմէդը երեւելի կոապաշտ արսքների ընծաներ է տալիս, որ մահմէղական դառնան։ (9, 60)։ Մուհամմէդը անուս տղէտ մարդ էր, լըսել էր, թէ Ահարոնը մի քոյր ունէր անունը Մարիամ, եւ որովհետեւ Յիսուսի մօր անունն էլ Մարիամ էր, կարծում էր թէ այս Մարիամը եւ այն Մարիամը մի եւ նոյն անձն են եւ Յիսուսի մօրը ասում է «ով Ահարոնի քոյր» 19, 29. մինչդեռ այն եւ այս Մարիամի մէջ 1500 տարիներ կան։

Տեսէք Ղուրանը ինչե՞ր է ասում։

Աստուած սուտ երդում անող մուսուլմաններին չէ պատժելու։ (5, 91)։ Ուրեմն մուսուլմանները թող սուտ երդումներ անեն, որչափ էլ ուզեն։

Աստուած ամեն մի ազգի նրա մասնաւոր կրօնքն է տւել. ուրեմն Մուհամմէդն էլ պէտք է իր կրօնքումը մնայ։ (5, 52—53)։ Ով որ իրան մարդարէին հաւատում է, պէտք է որ ոչ մ' բանից չը վախենայ։ (7, 33)։ Ապա ինչո՞ւ համար Մուհամմէդը հարիւրներով իրան չը հաւատացող հրէաներ էր սպանում. եւ իրան ժողովուրդն էլ հիմայ այսափ անթիւ հայեր են սպանում։ Մուհամմէդն ասում է, թէ Աստուած ոչ կնիկ ունի եւ ոչ տղայ, (72, 3). բայց իրը թէ քրիստոնեանները հաւատում են, թէ Մարիամը Աստուածոյ կնիկն է եւ Յիսուսն էլ տղան։ (5, 116)։ Ո՞հ, ո՞րչափ սիսալ։ Դեւերը եկել Մուհամմէդից Ղուրանը լսել եւ իսլամ կրօնը ընդունել են։ (սուրէ 72)։

Մուհամմէդը մէկ անգամ քարողելիս կուռքեր դաւանեց, բայց ասում է, թէ սատանան է այդ խօսքը իրան բերանը դրել որովհետեւ սատանան միշտ խօսքեր է դնում մարդարէների բերանը։ (22, 51)։ Այս սուտ խօսքովն ինքն է իրան արդարացնում։

Աստուած մահմէղականներին իր ասած եւ տւած պատւիրանքները հեշտացնում է, (8, 67) որովհետեւ չեն կարողանում կատարել

Ղուրանի 33-ր սուրէյի 49 համարում դրւած է

ուղղակի Մուհամմէդին, «ով մարդարէ, ես քո կնիկներդ քեզ համար արտօնացրել եմ մաքրութեամբ», եւ երկու տուն յետոյ 52 համարում դրա հակառակ գրւածէ «այսուհետեւ քեզ համար այլեւս կնիկներ արտօնւած չեն»։ Մուսուլման գիտնականներից ոմանք ասում են, թէ Մուհամմէդն առաջ իրաւունք ունէր ուզած չափովը կնիկներ առնել, իսկ յետոյ արգիլւեցաւ նրան, բայց ուրիշներն էլ ասում են, թէ առաջ արգիլւած էր, բայց յետոյ Ալլահն իրան հրաման տւեց, որչափ կնիկներ ուզէ առնէ։ Միայն սա յայտնի է, որ նրա իննը կնիկները շատ դէմ էին նրան, իսկ նա միշտ կնիկներ էր գանում մինչեւ իր կեանքի վերջը, ինչպէս Այիշէ կինն էլ ասում է։

Մուհամմէդի Ալլահը հեշտացնում է միւսիլմներին հրամայած օրէնքները, բայց խիստ պահանջում է միւս ազգերից։ 8, 67։ Կողմնապահութիւն է։

Զը հաւատացողներին պէտք է վիզը եւ մատերը կտրաել. 8, 12։

Դուրանում մէկ անդամ ասում է, թէ քսան մուսուլմաններ պատերազմելիս երկու հարիւր թշնամի եւ հարիւր մուսուլմաններ հազար թշնամի կը յաղթեն, բայց դրանից յետոյ մի ուրիշ հակասութիւն է, թէ «հարիւր մուսուլմանները երկու հարիւր թշնամի, եւ հազար թշնամի կը յաղթեն»։ 8, 66-07։ Շատ հաւանական է թէ առաջին գաղափարը Մուհամմէդն է ասել, իսկ երկրորդը կամ Օմարը կամ Օսմանն է ուղղել, մինչդեռ այդ երկրորդ միտքն էլ չափազանց է։ Եթէ Դուրանի խօսքը ճշմարիտ լիներ, պէտք էր Հնդկաստանի 70 միլիոն մահմէդականները իրանց վրայ իշխող մի իսյն մէկ կամ շատ շատ երկու միլիոն անդլիացիներին վաղուց յաղթած ոչնչացրած լինէին։ Բայց ո՞ւր է։

Մուհամմէդն ուզում էր իր ասած պատիժները ուրանալ, որովհետեւ Աստուած չէր կատարում, իսկ արարները ծիծաղում էին. 11, 15։

Նա ուզում էր կռապաշտ դառնալ. 4, 87:

Ալլահը որին ուզում է, տանում է ուղիղ ճանապարհը եւ որին էլ ուզում է ծուռ ճանապարհն է տանում. 4, 90. 6, 39 եւն. Եւն. :

Ալլահը մահմէղականներին շատ կողոպուտներ է տալիս. 48, 19:

Մուհամմէդը պէտք է ինքը կասկածոտ եղած ժամանակը Սուրբ Գրքի ժողովուրդներիցը հարցնէ. 10, 94: Ուրեմն մանաւանդ մահմէղականներն էլ պէտք է քրիստոնեաներից շատ բան հարցնեն, բայց Աստուածաշունչն անգամ չեն կարդում:

Նա երբեմն ուզում էր ինքն իրան սպանել. 10, 5, 26, 2: Դա ճշմարիտ մարգարէ է<sup>o</sup>:

Նա առաջ ոչ Սուրբ Գիրքը գիտէր եւ ոչ հաւատքը. 42, 52: Նա ծուռ ճանապարհում էլ էր եղած. 93, 7:

Մահմէղականներն իրանց շինած գրքերում պատմում են թէ իրանց մարգարէն չորս հարիւրից աւելի հրաշքներ է արել, բայց եթէ Ղուրանը կարգաք, կը տեսնէք որ այն ժամանակի կռապաշտ արարները նրանից հրաշքներ են պահանջում աւելի քան քառասուն տեղեր եթէ նա իրաւ Աստուածանից ուղարկւած մարգարէ է: Իսկ նա քառասուն անգամ էլ ասում է, թէ ինքը միմիայն վախեցնող եւ ուրախացնող է, բայց հըրաշքները Աստուծոյ մօտն են: Կարդացէք զո՞նէ 7, 188, 29, 49, 38, 70, 46, 8 եւն:

Մուհամմէդը շատ արարածներով է երդում անում եւ իր միտքերն ասում, բայց երեք անգամ էլ միմիայն երդում է անում եւ ոչինչ չէ վկայում. 79, 35 եւ 89 սուրէների սկզբումը:

Ղուրանը հրամայում է, թէ կնիկները ծեծեցէք. 4, 38:

Ղուրանն ասում է թէ ոչ ով իրաւոնք չունէ Աստուծոյ խօսքը փոխելու. 6, 34, 115, 18, 26, բայց Մուհամմէդը ինքը փոխում է. 16, 103, 11, 100:

Ղուրանը շատ բաներ է կրկնում. Նա յիշում է քա-

նի անգամ Աղամին, Նոյին 17 անգամ իսրայէլին, 23 անգամ Արքահամին 24 անգամ Փարաւօնին, 32 անգամ Մովսէսին։ Ուրեմն Մուհամմէդը Աստուածանից յայտնութիւններ չունէր, եւ հրէաներից լսածներն էլ միշտ կրկնում։


Ով սիրելի հայեր, դուք այս համառոտ վկայութիւնները կարդալով տեսնում էք, թէ ինչքան անթիւ եւ անհամար տարբերութիւն կայ մեր Սուրբ Աւետարանի եւ այս արար Մուհամմէթի Ղուրանին մէջ։ Սրբ. Աւետարանը Ասառնոյ որդի Քրիստոս Յիսուսի խօսքերը, հրաշքները եւ կեանքը սկզբանէ մինչեւ վերջ մաքուր ճշմարիտ, համաձայն, սուրբ աստուածային են, բայց Ղուրանը որչափ ինքն իրան հետ հակասութիւններ ունէ, նոյնպէս էլ սկզբիցը մինչեւ վերջը Քրիստոսի Սուրբ Աւետարանին հակառակ կարգեր եւ կանոններ է խօսում։ Դուք գիտէք, որ Մուհամմէդն ինքը շատ կողոպտումներ, գերիներ, մարդասպաններ է արել, իսկ Յիսուսը՝ ոչ ինքն արել է մի այդպիսի անիրաւութիւն եւ ոչ էլ իր աշակերտներին կամ քրիստոնեաներին այդպիսի հրաման տւել։ Մեր Հայ ազգը ահա՛ 1300 տարի է արարներից, ո՞րչափ հազարաւոր մարդիկ է կորցրել։ ո՞րչափ գերիներ են արել, ո՞րչափ հողեր եւ երկիրներ յափշտակել։ — եւ այս ամենը նրանք անում են իրանց Ղուրանի եւ Մուհամմէդի խօսքերովը եւ օրէնքներովը որ իրանք միմիայն կողոպտումներով ապրեն։ Բայց Աստունոյ ճշմարիտ օրէնքը սա է, թէ «քրտամբք երեսաց քոց կերիցես զհաց քո»։ Եւ Նոր կտակարանն էլ ասում է, «ով որ չէ ջանք անում եւ աշխատում, թող չուտէ»։ (ԲԹ. Ես. 3, 10) Ահա քրիստոնեաները Եւրոպայում եւ Ամերիկայում միշտ աշխատում, միշտ խելքով, մտքով ու քրտինտով գործում եւ լաւ յառաջադիմում են, իսկ խեղճ ու թշուառ մահմէդականները միմիայն ուրիշներին եւ շատ անգամ էլ իրանք միմեանց սպանելով ու կողոպտելով են ապրել մինչեւ այսօր, բայց հիմայ որ տկար են, աղքատ են


եւ այլեւս կողոպտելու զօրութիւն եւ աշխատանքով  
ապրելու գիտութիւն չունեն խիստ աղքատացել եւ  
տղէտ ու կարօտ են մնացել։ Իսկ Ղուրանը հրամայել է  
մահմէգականներին 14 սուրէներում, որ պատերազմ ա-  
նեն, մարդիկ սպանեն, գերիներ բռնեն եւ շատերին  
մուսուլման շինեն, որ աշխարհի բոլոր մարդիկը այդ  
կրօնքով լինեն։ Գոնէ կարդացէք 2, 214—215. 188,  
189. 3, 136. 4, 76—79. 91, 93. 5, 39—59. 6 106. 8,  
39—42 եւն. 9, 5. 6 եւ նոյնիսկ մինչեւ 87—89 եւն։


Շատ պէտք է որ մենք քրիստոնեայ հայերս Աս-  
տուծոյ մեզ տւած սուրբ եւ արդար խօսքով ապրենք  
ու միմնանց իրր ճշմարիտ եղբայրներ սիրենք եւ օդ-  
նենք առանց մի մաղի չափ միւս քրիստոնեայ եղբօր  
վաս հատուցանելու, այլ միւս կողմանէ էլ մեր բոլոր  
կարողութեանը չափ մեր դրացի թուրքերին, պար-  
սիկներին եւ քիւրտերին ճշմարտապէս սիրելով խրա-  
տենք, ճշմարտութիւնն ասենք եւ օդնութիւններ ա-  
նենք, եւ մահաւանդ նրանց իրանց կրօնքի անսահ-  
ման եւ անթիւ վասակար սխալները եւ Սուրբ Աւե-  
տարանի աստուածային ճշմարտութիւնը իմացնենք։  
Ամենակարող աստուածը այս բարի եւ ճշմարիտ նպա-  
տակների համար օրհնէ եւ օդնէ մեզ Սուրբ Հոգիովը  
իր Որդի Յիսուս Քրիստոսի սիրոյն համար։ Ամէն։



ՀԱՅԱՍՏԱՆ ԳՐԱԴԱՐԱՆ  
ԽՍՀՄԻԱՑ ԲԻՈԼՈԳԻԿԱ  
Վ. ԱՅԱՍՏԻ ԱՎԱՐ









4994

2013

«Ազգային գրադարան



4994

NL0031957

1n

56  
57